

匡廓運轂正軸次章云坎離者乾坤二用此章先言日月絜
雙明繼言運移不失中未乃揭出二用可見徹首徹尾只是
坎離爲用則匡廓之義益洞然矣

抱一子曰蟾蜍乃金絜之精故視卦節而漸旺玉兔乃卯木
之魄故望太陽而吐光

此章極其奧衍納甲妙義從古河圖并先天圓圖中來不特
爲全部參同契大關鍵亦卽義易之精髓也中間蟾蜍兔魄
兩象尤稱奇險絕世魏公於此幾欲嘔出心肝今而後注者
與作者可相視而笑矣

君臣御政章第五

道藏輯要

參同契
闡幽

三

虛集一
×二三

可不慎乎御政之首管括微密開舒布實要道魁柄統化綱紐
爻象內動吉凶外起五緯錯順應時感動四七乖戾謬離俯仰
文昌統錄詰責台輔百官有司各典所部原始要終存亡之緒
或君驕佚亢滿違道或臣邪佞行不順軌弦望盈縮乖變凶咎
執法刺譏詰過貽主辰極處正優游任下明堂布政國無害道
此章以君臣御政之得失喻金丹火候之得失也

可不慎乎御政之首管括微密開舒布實要道魁柄統化綱紐
爻象內動吉凶外起五緯錯順應時感動四七乖戾謬離俯仰
文昌統錄詰責台輔百官有司各典所部

此節以御政喻火候當戒慎其初基也火候之要徹首徹尾

防危慮險無一刻不宜慎若人君御政然而尤當致謹其初
基蓋金丹大道以天心為主精氣爲用正猶人主之統御其
臣下也故曰御政學人入室之始一陽初動謂之首經譬若
人君卽位之初更改正朔謂之元年上章元年乃芽滋卽其
義也故仙翁喟然發端曰可不慎乎御政之首管括微密者
卽靜而內守環匝關閉之意開舒布寶卽動而應機發號順
應之意魁柄卽是斗杓斗爲天之喉舌斟酌元化統攝周天
若網之有綱衣之有紐是爲要道喻吾身天心實爲萬化之
綱領丹道作用全仗天心幹運斗柄推遷故曰要道魁柄統
化綱紐天心旣爲萬化綱紐動而正則罔不吉動而邪則罔
道藏輯要

參同契
闢幽

三

虛集一
八上八

不凶繫辭傳曰爻象動乎內吉凶見乎外卽其義也在易爲
爻象在天卽爲星象天有三垣紫微垣爲北極之所居最處
乎內太微垣次之天市垣又次之由是金木水火土之五緯
併二十八宿之經星環布於垣外垣中主星全係斗杓凡經
緯諸星或順或逆無不聽命斗杓斗杓順動則五緯經星罔
不循其常度斗杓一有不順則環布之五緯一切逆而不順
應時感動立見咎徵周天經星亦皆一切乖戾失其常度而
至於診離俯仰矣此喻人之天君妄動則五官錯謬百脈沸
馳所謂毫髮差殊不作丹者也天象乖變失常不可責之眾
星人君御政失宜亦不可責之百官有司各有主者孰爲主

者在天則文昌臺輔文昌卽紫微垣中戴筐六星號南極統
星錄人長生之籍臺輔卽垣中三臺四輔尊星三臺以應三
才四輔以應四象各居其方環拱北極天之有文昌猶人君
之有六部也天之有臺輔猶人君之有相臣也相臣夾輔帝
主燮理陰陽六部從而奉行之則百官有司不待詰責自然
各典所部矣譬若作舟之時心君處中以制外魁罡坐鎮斗
杓斡旋一水一火調燮得宜自然六根大定百脈沖和而無
奔蹶放馳之失矣

原始要終存亡之緒或君驕佚亢滿違道或臣邪佞行不順軌
茲望盈縮乖變凶咎執法刺譏詰過貽主辰極處正優游任下
道藏輯要
參同契
闡幽
天
虛集一
XXI

明堂布政國無害道

此節言火候之要存乎君主當慎終如始也火候之一動一
靜徹始徹終宜乎無所不慎亦猶人君御政一動一靜自始
至終宜無所不慎慎則轉亡爲存不慎則轉存爲亡存亡之
緒從此分矣此一大事君臣各有其責而主之者惟君蓋臣
之聽命于君猶氣之聽命于志也心君翼翼能持其志則奸
聲邪色自不得而干之若心君驕亢自用違其常道則耳目
之官亦以邪佞應之行事不循軌則矣天心之與人心同出
一原天心稍或不順則天行立刻反常不特五緯錯謬經星
乖戾已也卽如太陰之晦朔茲望本有常度今者當盈反縮

當縮反盈薄蝕掩冒凶咎不可勝言矣天有執法之星主刺
譏過失卽太微垣中左執法右執法也朝廷象之故立爲左
右執法之臣亦主刺譏過失然違道之過不在百官有司而
在臺輔併不在臺輔而在君主自身此萬化從心反本窮源
之論也故曰執法刺譏詰過貽主主心得失只在一反覆間
蓋惟皇建極惟民歸極心君能寂然不動無爲以守至正百
體自然從令有如北辰居所而眾星自然拱之故曰辰極處
正優游任下心君旣端拱神室百節萬神莫不肅然猶王者
坐明堂以朝諸侯四海九州莫不率服寧復有出而梗化害
道者故曰明堂布政國無害道辰極在天象爲紫微垣卽北
極所居在人君爲深宮內寢晏息之所也明堂在天象爲天
市垣乃帝星所臨在人君爲朝會之所通道於九夷八蠻者
也心君所處內有洞房外有明堂上應天垣下同朝宁故取
御政之象

此章卽治道以明丹道最爲了然丹道徹始徹終不出天心
運用故君喻天心臣喻藥物文昌臺輔喻三田四象執法之
臣喻耳目之官百官有司喻周身精氣吉者受炁吉也凶者
防炁凶也存喻片時得藥亡喻頃刻喪失所貴乎御政者必
須外卻羣邪內輔真主心君端拱於辰極萬化歸命於明堂
豈非還真之要道乎

道藏輯要

參同契
闡幽

无

虛集一

此篇首章言乾坤門戶明乾坤之爲體次章言坎離二用明
坎離之爲用三章言晦朔合符而產藥物四章言天符進退
而行火候皆御政之象也然而御政之義不可不明在天象
以辰極統御周天列宿在朝廷以人主統御百官有司在丹
道則以心君統御周身精炁乃御政之義也故以此篇總詰
之

道藏輯要

參同契
闡幽

三

虛集一
三

正一天師清微弟子 洪百堅 製作
道教學術資訊網站